

Tatou faiga faavae tau soifua maloloina ma auaunaga i le tino ma le mafaufau e lē o malosi atoatoa

Soifua maloloina o le mafaufau

O le suesuega na faia e le Malo i le soifua maloloina o le mafaufau ma tuinanauga— He Ara Oranga – na faaalia ai le moomia o se suiga atoatoa ma se alafua fou mo le soifua maloloina o le mafaufau. Na faamamafa e le He Ara Oranga le moomia ona faamamafa ma faatāua le soifua manuia ma tagata, faatuputeleina faiga i totonu o afioaga e foia ai faaletonu ma tali vave atu ai, ma faalauaitele faiga e maua ai auaunaga.

O ā mea ua suia nei? Aisea?

I le taimi nei, o galuega ua faatonuina mo auaunaga tau soifua maloloina o le mafaufau o loo faasalafa i District Health Boards e 20, o le Matagaluega o Soifua Maloloina, ma Primary Health Organisations e 30. O lea faiga ua faafraigata ai ona faagasolo le faaleleia o faiga, po o le mautinoa ai o loo tutusa le telē ma le lelei o auaunaga i vaega eseese i totonu o Niu Sila.

O suiga i le faiga faavae tau soifua maloloina o le a atili faafraigofie ai ona ausia suiga atoatoa i auaunaga tau soifua maloloina o le mafaufau. O le a faamaopoopo ma faatonu auaunaga e le Health New Zealand, o se faalapotopotoga fou o atagia ai se taulaiga aoao, ma galulue faapaaga ma le Māori Health Authority.

O ā mea o le a ese ona fai i le lumanai?

Talu ai o le a avea le He Ara Oranga ma a tatou faavae autu, o le a iai le faiga faavae tau soifua maloloina i le lumanai i se taatiaga e mafai ai ona faamalosia ma suia auaunaga tau soifua maloloina o le mafaufau, ma o le a tele avanoa e maua ai tausiga i totonu o afioaga ma auaunaga e vave tali atu ai. O le a faigofie ona faasoaa faiga aupito sili ona lelei, ma o le a sili atu ona malosi le amanaia o manatu o tagata i totonu o auaunaga tau soifua maloloina o le mafaufau ua saunia.

O le a faigofie ona maua faiga fou ma auaunaga faainitaneti ua faamaonia le aogā, ma e faatino e la tatou aufaigaluega ua agavaa i galuega tau soifua maloloina o le mafaufau ma o le a faagasolo i le telē o loo moomia ai. O le a lagolagoina foi tagata faigaluega e taiala faataatitia aoao ma fuafuaga mo le faalauaiteleina o galuega e ausia ai manaoga, ma faamautinoa ai o loo lelei le lagolagosua o loo faia mo i latou e auai totino i le faatinoga o galuega.

O le ā le isi laasaga?

O faamatalaga auiliili i le faataatiaga o galuega o le a faamae'a i le vaitaimi o faagasolo ai suiga ma o le a aofia ai faatalatalanoaga ma tomai faapitoa tau soifua maloloina o le mafaufau ma tuinanauga, tagata o loo faaaogāina auaunaga, aiga ma afioaga i auala e mafai ai ona tatou faamautinoa ma le atoatoa o loo faamuamua i le faiga faavae fou tau soifua maloloina tausiga tau soifua maloloina o le mafaufau e sili atu ona lelei. O le a aofia ai i le vaega lea auala e faatino ai le tali atu i le tulaga o le a iai le He Ara Oranga i galuega e toefuataia ai.

E te fia iloa atili?

Mo nisi faamatalaga e uiga i galuega ma tulaga ua ausia mo le toefuataia o galuega tau soifua maloloina, tagai i le upegatafailagi a le DPMC i le itulau o loo ta'ua ai galuega a le Transition Unit:

www.dpmc.govt.nz/our-business-units/transition-unit